

dum non est; sed frigida etiam conuenientia permiscenda sunt, ne renūm calor augeatur; sicque excrementa ad ipsos deducantur. Frigida, quæ renūm & vrinæ ardori renibusque exulceratis detergēndis conueniunt, sunt plantago vtraque, oxalis, portulaca, nymphæa, parietaria, lactuca, cichorium: semina frigida maiora & minora, hordeum, semen papau. lactucæ, portulacæ. Fructus, iuiubæ, sebesten, fraga, flores violar. rosarum, nupharis.

Hysterica seu vterum respicientia sunt rad. apetientes, aristolochiæ vtriusque, rubiæ maioris, gentianæ, pœoniæ, valerianæ, angelicæ, galangæ, asari, dictamni albi. Herbæ vero hyssopus, athemisia, matricaria, calamentha, pulegium, serpillum, origanum, nepeta, melissa, tanacetum, ruta, fabiana, costus. Semina calida maiora & minora, pœoniæ, feseleos, genistæ flores, genistæ, calendulaæ, hyssopi, quæ omnia mensibus suppressis mouendis, intemperiei frigidæ & humidæ corrigen-dæ conueniunt. Frigida vero sistendis mensibus accommodata inter radices, plantago vtraque, bistorta, tormentilla, symphytum maius. Herbae, plantago vtraque, portulaca, lactuca, semperuum vtrumque, vrtica mortua flore albo, polygonum, virga & bursa pastoris. Semina portulacæ, Plantag. myrthi, papau. albi, rosar. flor. maluæ arborecentis. Ex enarratis simplicibus aquæ stilatitiæ eliciuntur, iisdem affectibus utiles, syrapi componuntur, decocta parantur, quibus medicamenta purgantia infunduntur, aut syrapi dissoluuntur.

Enar-